



## Izveštaj sa Prvog regionalnog simpozijuma mladih endokrinologa

Od 2. do 4. juna 2023. godine u Sarajevu je održan prvi po redu **Regionalni simpozijum mladih endokrinologa** na teme 9 fokusiranih područja u endokrinologiji.

Domaćin simpozijuma koji je održan u Hotelu Novotel u Sarajevu bilo je Udruženje/Udruga endokrinologa i dijabeteologa u Bosni i Hercegovini u organizaciji četiri regionalna udruženja endokrinologa:

- Udruženje/Udruga endokrinologa i dijabeteologa u Bosni i Hercegovini
- Srpsko društvo za reproduktivnu endokrinologiju
- Naučna asocijacija endokrinologa i dijabetologa Makedonije i
- Hrvatsko društvo za dijabetes i bolesti metabolizma

Simpozijum je rezultat dugogodišnje uspješne saradnje ova 4 regionalna udruženja.

### Ciljevi ovog naučnog skupa bili su:

- afirmacije mladih endokrinologa u regiji
- ažuriranja najnovijih informacija o najnovijim dostignućima u endokrinološkim istraživanjima
- promocije istraživanja od javnog interesa,
- edukacije u oblasti endokrinologije,
- međusobno povezivanje i razmjene iskustava mladih endokrinologa.

Na simpozijumu je učestvovalo **130 mladih specijalista i specijalizanata** endokrinologije iz Bosne i Hercegovine, Hrvatske, Srbije i Sjeverne Makedonije, koji su kroz uvodne prezentacije i prikaze slučajeva iz svakodnevne kliničke prakse obrađivali teme iz sljedećih područja:

- 1) urgentna stanja u endokrinologiji;
- 2) neuroendokrinologija;
- 3) bolesti štitne i paratiroidne žlijezde;
- 4) metaboličke bolesti kostiju;
- 5) bolesti nadbubrega;
- 6) reproduktivna endokrinologija;
- 7) šećerna bolest;
- 8) gojaznost;
- 9) rijetke bolesti u endokrinologiji.

Sam rad skupa osmišljen je na način da mladi endokrinolozi izlože svoje interesantne ili nerazjašnjene slučajeve koji bi se u diskusiji sa ekspertima pokušali razjasniti.

Njihove prezentacije pratile su zanimljive i interaktivne diskusije te razmjena međusobnog znanja i iskustva a mentorima je bilo ogromno zadovoljstvo da facilitiraju rad sesija.

Tokom održanih sesija, mladi endokrinolozi pokazali su svoje zavidno znanje i stručnost, želju za daljnom edukacijom i napredovanjem u endokrinologiji i spremnost da odgovore na izazove koji ih očekuju u njihovoj karijeri.

Na kraju simpozijuma Organizacijski odbor u sastavu:

**Prof. dr Zelija Velija Ašimi**, predsjednica Udruženja/Udruge endokrinologa i dijabeteologa u BiH,  
**Prof. dr Đuro Macut**, predsjednik Srpskog društva za reproduktivnu endokrinologiju,  
**Prof. dr Tatjana Milenković**, predsjednica Naučne asocijacije endokrinologa i dijabetologa Makedonije,  
**Prof. dr Dario Rahelić**, predsjednik Hrvatskog društva za dijabetes i bolesti metabolizma,  
**Prof. dr Azra Bureković**, predsjednica upravnog odbora Udruženja endokrinologa i dijabetologa u BiH  
zaključio je:

1) da je skup bio izvanredna prilika za povezivanje, i produblivanje partnerstva i saradnje između regionalnih udruženja/udruga za endokrinologiju i dijabetologiju i da su svi njegovi zacrtani ciljevi u potpunosti ispunjeni.

2) najavio održavanje drugog po redu Regionalnog simpozijuma u istom terminu u Hrvatskoj ili Sjevernoj Makedoniji.

Više detalja o Prvom regionalnom simpozijumu mogu se naći na web stranici:

[www.endo.ba](http://www.endo.ba)

### SPONZORI

